


# Un año persidreru



Dicimos alón a un año apináu d'eventos y novedaes sidreres. Un año en que la sidre asturiano trunfó en Madrid, New York, Alemaña... y que foi oxetu d'atención en prestixosos medios de comunicación internacionales y en que los ayuntamientos y otres entidaes la nomaren bébora oficial. Asina, la cultura sidrera asturiana ta un pasu más cerca de llegar a la UNESCO.

Dispidimos un añu apináu de noticies sidreres, doce meses nos que viemos nacer una confradería defensora de la sidre y la so cultura, mentes unes lleis facíen por terminar con ella: la menacia d'elleva la edá mínima de consumu de sidre dio que falar muncho, y la llamada "Llei antibotellón" en Xixón caltuvo en xaque al mundiu la sidre, enturbiando cola polémica la fiesta más sidrera del conceyu, pero que finó cola reconocencia explícita de que "la sidre nun ye botellón", colo que l'Ayuntamientu Xixón marca les diferencies y perafita'l so compromisu pa cola nuesa bébora patria.

Per otru llau la Consejería d'Agroganadería del "Principado" anunció de nueu la candidatura de la cultura asturiana de la sidre pa ser declarada Patrimoniu Imaterial de la Humanidá pola UNESCO y espérase que nesta ocasión cumplan, per agora'l Senáu español paez que se comprometió y son munches les instituciones y presonalidaes que tan implicándose, siendo declarada la sidre bébora institucional por una ventena d'ayuntamientos.

Eso sí, el "Principado" sigue brindando con vinu español en públicu y notoriu despreciu haza la nuesa sidre.

Anque perdimos a dellos grandes llagareros y figures venceyaes a la sidre, tamién conocemos a les nueves xeneraciones amigues de la bébora qu'ensin dulda en 2014 van siguir lluchando por ella.

Tovimos la oportunidá de participar en más de quinientes fiestas sidreres ensin salir del país, pero tamién salimos fuera. Canarias, New York, Gales, Alemaña o Bretaña. La Primer Sidre l'Añu superóse y va direutu a la declaración de Fiesta d'Interés Turísticu, y el III SIGGA marcó un enantes y un dempués na hestoria de la sidre asturiano, con premios internacionales incluyíos por primer vegada na hestoria del nuesu país. Los sidrocoles xeneralícense, batióse de nueu el récord d'echáu simultaniu y Jorge Vargas marcó un fitu na hestoria col culín perfectu. Por too esto y munchu más, la sidre sedrá otra vuelta descorchada en 2014.

# 2.013

## ANUARIU SIDRERU

Esti añu foi tan sidreru que ye imposible reseñar toles noticies, anuncios, folixes y eventos nestes páxines.

Destacamos les qu'en so díi tovieren mayor sonadía y nun merecen escaecese.

SIDRA  
**POMARINA**

| Elegida Mejor sidra espumosa 2013 |  
| por el C.R.D.O.P. SIDRA DE ASTURIAS |

**Ó**  
POMARINA  
SIDRA  
www.pomarina.es

MUNICIPIO DE GAITERO  
www.gaitero.com



Xurde Margaride

Sidre y oricios, un maridaxe gastronómicu que mos identifica.

## XINERU

Escomienza un nueu añu enllenu d'espeutatives sidreres, marcáu por más xornaes gastronómiques que nunca, l'aniciu de la Confradería de los Siceratores de la Bona Sidre y la candidatura de la Cultura Asturiana de la Sidre na UNESCO.

### • Los oricios tán nel so meyor momentu. La temporada del oriciu entama con rixu.

6 - Finen les xornaes de "Asturies Brut", cola sidre esplumoso asturiano dep rotagonista.

11/12 - Sidre y nabos cítense en Morcín col Gran Capítulu de la Confradería.

13- El grupu sidreru Sidroquedadas, que promueve'l consumu de sidre y sopelexa la so cultura en Madrid, cumple 10 años y cellébrelo con una macroespicha en Casa Paniza.

**19 - Entrega de premios del VI Concursu de Semeyes La Sidra y naguración de la Esposición de semeyes en La Galana, Xixón.** LA SIDRA

19 - Apertura naugural de Gastrofestival, ún de los

certames gastronómicos más importantes de Madrid, onde la cocina y la sidre asturiano atoparon l'atención de los medios de comunicación internacionales.

20 - La Foz de Morcín acoyó les Xornaes del Quesu Afuega'l Pitu, que se sirvió con muncha sidre.

23 - Volvió a Xixón DesTAPA Cimavilla, iniciatica entamada pola Asociación Hostelerá Decimavilla que pretende da-y puxu a la hostelería d'esti barriu xixonés.

24 - Munchos llagareros aprovechen la fase llunar pa escomenzar a trasegar, yá queda menos pa les primeres espiches.

25 - Concédense 670.000 euros p'aídes agraries, parte del dineru concedíu ye pa la investigación y desendolcu del pumar de sidre.

27 - Wilkin Aquiles ye nomáu oficialmente campión d'Echaores tres la recoyía del so troféu.

**28 - LA SIDRA ye nominada a los Premios Timón de cultura asturiana pola Asociación Cultural L'Arribada.** LA SIDRA

29 - Arrinquen les Xornaes del oriciu en Xixón entamaes pola Asociación d'Hostelería.

# 2.013

## ANUARIU SIDRERU

10/13 - El Barriu la Sidra, El Bulevard de la Sidra y otras asociaciones hosteleres celledren con sidre l'Antroxu.

11 - La Sidrería Casa Justo de Xixón llogra'l Premiu de la Crítica, otorgáu pol Colexu de Críticos Gastronómicos d'Asturies.

15 - Los arcinos y la sidre lleguen a Ribeseya nes sos III Xornaes.

15 - Primer cursu del añu de fradaura de pumares, entamáu pol SERIDA.

15 - Aníciase nos Estaos Xuníos l'Asociación d'elaboradores de Sidre pa compartir información sobro tolo que cinca a la producción de mazana y elaboración de sidre.

16 - Espublízase'l llibru Sidre d'Asturies, cuarenta lleiciones pa primerices y espertos del dibuxante Alfonso Zapico.

18 - La sidre de Nueva espresión tomó SALENOR (Avilés) con unes xornaes de tasties y maridaxes.



Xurde Margaride

Los premios del VI Concurso Semeyes entregárense en La Chalana.

## FEBRERU

Ún de los meses más seles al respetive de eventos sidreros, anque la gastronomía, siempre acompañada por sidre bono dexóse sentir en tolos conceyos.

- **Esposición de Semeyes LA SIDRA'13 na sidrería La Galana de Xixón.** [LA SIDRA](#)

1 -La sidre impúnxose en FITUR, comu productu y comu esperiencia. Ésitu dafechu del Sidroturismo nos llugares asturianos presentes.

8/9 - La Pola tornó a canciaar cola VII Edición del Certame de Cancios.



Los festivales sidreros, ésitu de públicu.



Sidrería - Restaurante  
**EL RINCÓN DEL GÜELU**

COMIDA CASERA  
MENÚ DEL DÍA  
MENÚ ESPECIAL FESTIVOS

Avda. Flórez Estrada, n.º 24  
33180 NOREÑA - Asturias

☎ 648 542 324

Lleguen las espiches y con elles la más popular: La Primer Sidre l'Añu, que se cèlebra en Xixón y qu'añu ente añu xunta a más y más xente alrodiu. Xunto col Sidracrucis, única procesión sidrera del mundiu, son los eventos más esperaos de la temporada primavera.



Xurde Margaride

Primer Sidre l'Añu nel Muséu del Pueblu d'Asturies. Xixón. Toles confraderíes quinxeron participar.

## MARZU

Tiempu de espiches, de chorizos a la sidre, de xuntes y de probar la nueva sidre, natural, con DOP o d'Escoyeta. Toa entra bien.

- **Esposición de Semeyes LA SIDRA nel Cientru Asturianu de La Rioja coles semeyes ganadores de les primeres cinco convocatories del premiu.** LA SIDRA

### 1/3 - Participación de LA SIDRA nel Apfelwein im Römer, Frankfurt.

LA SIDRA

1 - La Sidre d'Escoyeta de Trabanco algama un gallardón Pomme d'Or nel Apfelwein im Römer.

2/4 - Los oricios van adules dexando pasu a otros platos, comu l'angula. En Sotu'l Barcu ésta y la sidre cèlebraron el más famosu festival dedicáu a esti manxar.

2/3 - En Villaviciosa esitosa cèlebración del certame "De cazuela en cazuela" onde la hostelería llocal ufierató cazuelines especiales acompañaes d'una botella sidre.

### 3 - Oriçada Xabaz, sidre y oricios a esbardiar. Xixón.

LA SIDRA

3- La sidre y l'oriciu continúen enllenando les meses d'Asturies, esta vegada en Candás, onde se cèlebraron les II Xornaes de Sidre y Oricios.

### 7 - LA SIDRA entama con un grupu d'enólogos de La Rioja una valoración de la sidre asturiano na Escuela d'Enoloxía del I.E.S La Laboral de La Rioja. Les valoraciones fueron bien altes.

LA SIDRA

8/10 - Llaviana tresna'l tradicional cabritu con patatinos y riégalu con sidre demientes la XXVI Edición del Festival Gastronómicu.

8/18 - El Camín Rial de la Sidre, de Cualloto cèlebra les II Xornaes del bacalláu y la sidre, con impresionan-



Los cancios de chigre van recuperándose pasu ente pasu.

tes maridaxes.

9 - Les confraderíes invaden Xixón cola celebración del Capítulu de la Confradería del Oriciu. Cientos de lilitros de sidre acompañaron a la comitiva que remató con una oriciada pa más de trescientos presones.

19 - Preséntase'l V Certame de Cancios de chigre "Prohibio cantar... Desentonáu" en Noreña, que va tener llugar nel mes d'abril.

19 - La Consejería d'Agroganadería y Recursos Autóctonos apreba la concesión de 110.000 € pa da-y puxu al cultivu de pumar de sidre.

22 - Escomienza'l programa "D'espicha n'espicha" nel Valle del Nalón. Numberosos establecimientos ente llagares y sidreríes fletaron autobuses dende Xixón y Uviéu que llevaron a los sidreros d'espicha n'espicha demientres les fines de selmana.

28 - Torna'l Sidracrucis, l'eventu sidreru más esperáu del añu, que nesta ocasión cumplió 10 años. Un centenar de presones percorrieron sidreríes y llagares demientres más de diez hores na única procesión sidrera del mundiu. [LA SIDRA](#).

28-31 - Primer Sidre l'Añu. Xixón. [LA SIDRA](#).

28 - Conceyu de Confraderies alrodiu la sidre. Xixón. [LA SIDRA](#).

28/30 - Esibición de tonelería. Hermaos Argüelles. Xixón. [LA SIDRA](#).

30 - Amuesa de tonada IV Asturianada y Sidre. Xixón. [LA SIDRA](#).

30 - III Tornéu de Bolos la Primer Sidre l'Añu. Xixón. [LA SIDRA](#).

31 - Pebidal: sema pública de pumares de sidre. Xixón. [LA SIDRA](#).

31 - El II Concurso Nacional de Sidre Casero fecho en maera atraxo a una ventena d'ellaboraadores que disputaron los trés premios avezaos. Jorge Barro (Villaviciosa), Ricardo García (Xixón) y Victor Manuel Iglesias (Sieru) fueron los ganadores. [LA SIDRA](#).

## Abрил

Tres la Primer Sidre l'Añu les espiches tomen Asturias comu preliu de la primavera.

12 - Anúnciase l'entamu de la campaña pala presentación de la cultura asturiana de la sidre énte la UNESCO.

15 - La Sidre d'Escoyeta, de la man de Trabanco, Muñiz, Foncueva y Peñón foi presentada en Sieru y descrita comu una de les meyores colleches fasta la fecha.

# 2.013

## ANUARIU SIDRERU

<p><b>EL MALLU del INFANZÓN</b> SIDRERIA - MERENDERO</p> <p>ABIERTO TODOS LOS DIAS</p> <p><b>MENÚ DIARIO PARRILLA DE LENA</b></p> <p>• COMUNIONES • BAUTIZOS • CUMPLEAÑOS • ESPICHAS</p> <p><b>CORDERO Y GOCHU A LA ESTACA LOS DOMINGOS</b></p> <p>Ctra. Peón, As 331, 276 Alto del Infanzón - Gijón (desvío a Peón, cementeriu Deva)</p> <p>Amplia terraza</p> <p>☎ 985 13 50 30</p>	<p>de Tapas por</p> <p><b>desde 3€</b></p> <p><b>EL MALLU</b> SIDRERIA</p> <p>de domingo a jueves Tapeamos, excepto vispera de festivos</p> <p><b>MENÚ DIARIO</b></p> <p>ABIERTO TODOS LOS DIAS</p> <p>• COMIDAS PARA GRUPOS</p> <p>C/. Pola Siero, 12- Gijón</p> <p>☎ 985 31 94 10 ☎ 984 19 28 65</p>	<p><b>EL OTRU MALLU</b> SIDRERIA</p> <p>Amplios salones</p> <p>• ESPICHAS • GRUPOS • TODO TIPO DE CELEBRACIONES</p> <p><b>MENÚ DIARIO</b></p> <p>ABIERTO TODOS LOS DIAS</p> <p>C/. Sanz Crespo, 15 Gijón</p> <p>☎ 985 35 99 81</p>
---	--	--



## Los pumares florien al empar que la sidre sal de los toneles. Les primeres fiestes de prau son una bona escusa pa xuntase con amigos y familia, siempre con una botellina al llau.

19/21 - La Folixa na Primavera llega a Mieres con música, gastronomía, arte y sobro too muncha sidre.

21 - Arrinquen les xornaes de La Sidre d'Escoyeta, con una participación de más de cien establecimientos hosteleros.

27 - Una decena de llagares y dellos cientos de lilitros de sidre anubrieron el parque Dolores Fernández Duro demientres les Xornaes de la Sidre de La Felguera.

27/28 - Per primer vegada faise la Preba popular de la sidre en Llugones, dando la oportunidá a los visitantes de probar les primer sidre de 9 llagares.

## MAYU

Los pumares florien y con ellos les ganas de folixa al aire llibre. La sidre escomienza a correr pelos praos.

• **Exposición de Semeyes LA SIDRA'13 na Sidrería Zapico. Xixón.** LA SIDRA

3 - Sidre and Tweets celebra'l so alcuentru primaveral en Las Carolinas, Xixón, onde s'alderica sobro la llibertá d'opinión n'Internet y les Redes Sociales.

3/5 - Ná mejor que ver los pomares en flor en vivu. Pa facilitar les coses la Mancomunidá de la Sidre entama ca añu una selmana cultural dedicada a esti acon-

tecimientu, que remata con unes xornaes gastronómiques dedicaes a la mazana y a la sidre.

3/12 - El VIII Campeonatu de Pinchos d'Uviéu atraxo a miles de comensales que maridaron les creaciones cola sidre de los establecimientos participantes.

4 - Escomiencen les Xornaes del Potru llechal en Sieru y que van espardece pel restu d'Asturies. Los maridaxes d'esta carne cuerren al cargu de Sidre Castañón.

11 - Les fiestes de Ventanielles acueyen la XV edición del concursu d'Echaores de Sidre, ún de los más llonxevos que se caltién.

11- Sotrondiu celebra'l so festival sidreru onde 15 llagares sirvieron cientos de lilitros de sidre.

17/19 - Les Xornaes de los platos a la sidre de Nava enllenen les meses d'especialidaes úniques.

17/26 - Ostres... qué sidre! llega a Xixón pa quedase dellos díis. La mejor sidre DOP colos moluscos del Eo tenten a cientos de visitantes.

24 - La Llaguna (L'Entregu) descorcha un añu más la sidre de 9 llagares nuna folixa que dura fasta la nuechi.

30 - Sestu aniversariu del Barriu la Sidra de Xixón y los chigres acomuñaos celebrárenlo per tolo alto con música, gastronomía y muncha sidre pa tolos asistentes.



Llaviana fo'l primer conceyu en declarar la sidre bébora institucional..

## XUNU

Son tantes les fiestas y celeraciones del entamu del branu, que resulta imposible incluyiles toes. Sicasí destacamos les más sidreres.

- **El Campionatu d'Echaores ta en plenu apoxéu. Les pruebas asoceden una tres otra y nun ta ná decidío.**

6 - Nel Teatru Filarmónica d'Uviéu apurriéronse los premios a los ganadores del festival de Cancios de Gascona. L'Ochote Llangreanu, María Latores y José Tuero fueron los ganaores.

7 - Llaviana ye'l primer conceyu en declarar la sidre comu bébora institucional.

11 - Naz El Camín de les Sidres en La Calzada, Xixón, con una formación inicial de 9 sidrerías qu'ufierten la mejor sidre a los vecinos de la fastera y que nun cesa de xenerar curioses iniciatives.

13 - En Cangues d'Onís cellébrase la feria más importante d'Asturies, y la cai san Pelayo tresfórmase nuna espicha multitudinaria.

**14 - Tastia de Sidre con quesos.** LA SIDRA

15 - La primer app sidrera sal a la lluz de la man d'Arrotes y Barrera. Deprender a echar y competir ente amigos nunca tuvo tan al game de toes.

# 2.013

## ANUARIU SIDRERU





La DOP presentó la so sidre n'Avilés.

18 - El IV Salón de la sidre con DOP tuvo llugar nel Niemeyer d'Avilés, onde'l públicu pudo a la fin prebar la collecha de 2012, una de les más prometedores.

21/23 - Candás conviértese na capital del mariscu y la sidre.

25 - Los sidreros Gastrónomos del Yumay conviértense nuna lloxia sidrera y xuren honrar y defender a la sidre asturiano.

## XUNETU

Siguen les romerías y xornaes gastronómiques per toa Asturias. Los concursos de sidre casero y los festivales sidreros asiéntense en cuasique tolos conceyos.

- **Esposición de Semeyes LA SIDRA en Casa Paco (Sieru), Zapica, Bobes y El Alleranu-Casa Javi (Xixón).** LA SIDRA

4 - Arrinquen los Xueves de branu nel Barriu la Sidra (Xixón). Ca xueves una folixa sidrera nel barriu.

6/7 - El bonitu llega a Llanco na XXIX Edición de les xornaes gastronómiques dedicaes a esti pexe. La sidre acompaña ca platu que los llocales participantes tresnen estos díis.

10 - Preséntase oficialmente la Bona Confradería de los Siceratores d' Asturias nel Muséu de la Sidre de Nava.

12 /14 Entama'l Festival de la Sidre de Nava con numberoses actividaes rellacionaes cola sidre y la mazana.

13 - Henry González imponse nel Concursu d'Echaos del Festival navetu mentes que Susana Ovín gana'l premiu llocal.

14 - Ramos del Valle, del llugar Fran foi escoyía nel

# 2.013

## ANUARIU SIDRERU

La declaración de la sidre comu bébora oficial y la "Llei antibotellón" marcaron un branu nel que tamién se batieron récoros sidreros: d'echaú simultániu en Xixón o de participación nel Rally de Candás.

Festival comu la meyor sidre d' Asturias, y Estrada foi la meyor de Nava.

15 - Campoastur declara al Ayuntamientu Nava sociu d'honor pola so promoción al cultivu de la mazana de sidre.

18 - III Fiesta de la Sidre Casero de Quintes y Quintueles. Respetando l'orde rotativu del eventu, esti añu Quintes foi regada con sidre casero nuna nueva y esitosa edición del festival.

19 - L'Asociación Cultural de Priede y Salamea (Piloña) cancela'l Concursu de sidre casero por falta de



Piragües y sidre corrieren al empar nel Seya.

sofitu institucional, finando con una tradición que cumpliría cinco años.

19 - Nava declara la sidre comu bébora institucional siendo'l segundu conceyu en faelo.

19/26 - El Carme y El Carmín lleguen a Sieru con más polémica que nunca pola llexislación de la distribución de sidre y les acotaciones na fiesta.

20 - Javier Canteli vence nel Concurso de la Sidre Casero de Sariegu.

21 - Entama'l festival del Arcu Atlánticu en Xixón.

24 - I Certame de la Sidre Memorial Belisario en Les Arriendes. Muncha sidre y el concursu d'Echaores atraxeron a xente d'otros conceyos comu Xixón y Uviéu.

27 - Escalante, Asturias de Santillana, ccelebró'l XIV Díi de la sidre. Gaites, cocina asturiana y, comu ye de xacú, sidre tovieron presentes nesti eventu.

29 - Villaviciosa xúnese a la iniciativa y declara la sidre comu bébora oficial.

## AGOSTU

Xixón torna ser Capital Mundial de la Sidre y Asturias entera fierve en sidre. Concursos, festivales, romerías, espiches.

• **Convocatoria del Concurso Semeyes LA SIDRA qu'algama la so VII Edición y ábrese a les Redes Sociales con una nueva categoría**

n'instagram. [LA SIDRA](#)

• **Esposición de Semeyes LA SIDRA en Siderería Bobes y El Alleranu-Casa Javi (Xixón).**

[LA SIDRA](#)

1- Llangréu declara la sidre bébora institucional.

2 - El Rally de la sidre de Candás bate récord con 1.600 participantes y 6.400 botelles de sidre echaes.

2 - Cientos de chigres asturianos participan na campaña de la DOP "El Peñizquín del mes", que sortea mensualmente 500 Euros ente los consumidores de sidre con denominación.

**2/10 - LA SIDRA ta presente nel Festival Intercélticu D'An Orient.** [LA SIDRA](#)

3 - Escomienza la FIDMA en Xixón, enllenando de sidre'l recintu ferial.

3 - La sidre llega fasta'l Seya cola mesma fuerza del ríu na 77ª Edición del Descensu Internacional.

8 - Entama en Xixón el discutiniu cola llamada "Llei del Botellón" que torga'l consumu d'alcol na cai, pero que nun afeutará a la sidre.

**10/12 - LA SIDRA nel III Certame del Vinu de Cangas, Vinu d'Asturies, Xixón.** [LA SIDRA](#)

12/18 Cellébrese en L'Infiestu les I Xornaes Gastronómiques de les fabes y la sidre, con una participación de 12 sidrerías y restoranes y unes espeutatives supe-raes pola organización.



Entrega premios na Fiesta de la Sidre de Xixón.

13 - Navia esfrez nel puertu la sidre pal XIII Festival de la Sidre natural. 11 llagares y 5 chiges participen.

25 - Concurso d'Echaores en Tapia de Casariego

25 - Concurso de sidre casero de Villaviciosa. Esti ye'l concursu que más participación recibe ca añu y nesta edición el ganador foi Enrique Pedrayes.

27/1 - Xixón torna a ser Capital Sidrera demientres la celebración de la Fiesta de la Sidre.

28 - El Barriu de la Sidre nagura'l "Macrochigre" na sablera de Castrillón. 22 palos de sidre, música en direutu, fabada xigante, sardinada o una macropaella atráin a cientos de veceros demientres tol díi.

28 - La sidre yá ye bébora institucional en Sobrescobiu.

28 - Preséntase'l CD "Barriu la Sidra" que contién l'hinu del Barriu.

28 - Una xunta ente llagareros, productores, miembros d'ASA y los conceyales xixoneses afita'l respetu a la sidre de la "Llei antibotellón".

29 - Wilkin Aquiles imponse a 34 rivales nel Concurso d'Echaores de Xixón con 81,40 puntos.

30 - Bátese'l récord d'echáu simultániu en Xixón, con 8.061 presones qu'echaron un culín de sidre JR al empar.

30 - Sidre Arbesú llogra'l Premiu del Públicu del Festival xixonés.

30 - El gallardón "Eloxo d'oru" del Festival ye pa Trabanco.

30 - Sabino Menéndez recibe'l premiu honoríficu "Tonel d'Oru" en reconocencia de toa una vida dedica a la sidre.

30 - La cerveza de mazana del Molín del Nora, gana'l premiu al productu más novedosu del Mercadín de la Sidre y la Mazana. Óleum y Speltastur fainse colos otros dos gallardones.

## SETIEMBRE

Villaviciosa toma'l relevu a Xixón esti mes en protagonismu sidreru. Yá se mira pa los pumares calculando si la collecha d'esti añu dará mazana abondo.

### • Esposición de Semeyes LA SIDRA en la Sidrería Bobes y El Alleranu-Casa javi (Xixón). LA SIDRA


1 - Eloy Cortina propón un aconceyamientu pa xunir fuerces y que la cultura asturiana de la sidre seya declarada Patrimoniu Imaterial de la Humanidá pola UNESCO.

4 - Tres el so fallecimientu, Gascona despídese de los fundadores del famosu Bulevard: José Bernardo.

5/8 - Corvera celebra'l Festival de la Sidre con ufiertes gastronómiques, música, animaciones y comu ye de xaciu muncha sidre.

7 - La sidre cuerre en Villaviciosa demientres la fiesta sidrera más famosa de la contorna. Munches novedaes inclúinse nel festival, comu l'amenorgamientu d'horarios de la preba o la presencia de la DOP.

8 - Prosigue'l discutiniu pol Anteproyeutu de la Llei que quier alzar la edá del consumu de sidre a los 18 años por mandatu del Gobiernu central.





Xurde Margaride

Una década d'información. Portada del número conmemorativu.

12 - El xixonés Pablo Suárez gana'l Concursu d'Echaores de Gascona, a poques pruebas pa la final del campeonatu.

14- Eduardo Alcázar proclámase comu'l meyor ellaborador de sidre casero nel Concursu de sidre Casero de Villaviciosa.

**15 - LA SIDRA cumple diez años y cellébralo llanzando un número especial.** LA SIDRA

16 - Cellebráu'l Concursu d'Echaores en Villaviciosa. Na categoría llocal el premiu foi pa Marcos Ramos y el premiu xeneral llógralu Pablo Álvarez.

16 - Trabanco algama la Mazana de Plata nel XXIX Concursu de Sidre de Villaviciosa.

16 - Entama la Tricazuela nel Camín de les Sidres de La Calzada (Xixón)

**18 - Presentación oficial del llibru "Noreña y la sidra, apuntes sobre la hestoria sidrera d'un conceyu asturianu" d'Antonio Martínez. Premiu d'Ensayu Emilio Trabanco Trabanco 2012.** LA SIDRA

# 2.013

## ANUARIU SIDRERU

Representaciones y Exclusivas  
**Fonseca**

La Tienda de la Sidra .com

Pol. Ind. La Central 12. 33940 El Entrego (S.M.R.A.)  
Tlf.: 985 69 51 43  
info@representacionesfonseca.com  
**representacionesfonseca.com**

Na seronda la sidre vístese de fiesta y el III Salón Internacional de les Sidres de Gala endolca en glamour les sidres que nun son d'echar. Escomiencen los magüestos y llega la gastronomía d'iviernu.



Xurde Margaride

Salón Internacional de les Sidres de Gala. Autoridaes y premiaos en La Salgar.

26 - Naz Contruecesidrero.com, grupu formáu primeramente por 8 sidrerías de Contrueces que pretenden dinamizar la hostelería del barriu.

**26 - LA SIDRA ye finalista del premiu "Per bona" otorgáu pola Asociación Contruecesidrero.com.**

[LA SIDRA](#)

**27 - LA SIDRA gana'l Premiu Timón otorgáu pola Asociación Cultural L'Arribada pola so defensa, espardimientu y promoción de la sidre y la so cultura.**

[LA SIDRA](#)

## OCHOBRE

La sidre vístese de fiesta y nagúrase'l **III Salón Internacional de les Sidres de Gala (SISGA)**. Sidre esplumoso, de xelu, de Nueva Espresión, de pera, y fasta de castaña citárense en La Salgar y nel Muséu del Pueblu d'Asturies.

• En tiempu de mayar **LA SIDRA** recueye'l procesu de los llagareros y sobromanera de los piqueños ellaboradores. [LA SIDRA](#)

• Torna'l programa **Sidrocoles**, el más antiguu y pioneru n'averar a los colexos asturianos al mundiu la sidre. [LA SIDRA](#)

5 - En Samartín del Rei Aureliu la sidre yá ye bébora oficial.

11/20 - Entama "Xixón de Sidre", ún de los eventos más esperaos de la seronda. 37 chigres y otros tantos llagares ufierten la mejor gastronomía y sidre a precios especiales. Un bus sidreru, un sidromapa y munchos premios distinguen esti certame.

**12 - Villaviciosa celebra'l Festival de la Mazana, onde se rinde cultu a la madre de la sidre. LA SIDRA depende a los neños a mayar.** [LA SIDRA](#)

17 - El SERIDA al traviés del so programa de Silvicultura presenta al públicu trés nueves races de mazana amargosa: Amariega, Lin y Corchu.

**18/19 - III Salón Internacional de les Sidres de Gala. Cuasique tolos llagares asturianos asina comu d'otros puntos d'Europa vistieron de gala a les sos sidres pa la ocasión. Una cena nel Restorán La Salgar diseñada pol chef Nacho Manzano, foi maridada**



Los sidrocoles averen a los neños a la cultura asturiana de la sidre.

**coles meyores sidres del mundiu. El Gobernador, El Gaitero, Viuda de Angelón, Michael Stöckl, Llagar Kystin, Panizales y la Casería San Juan del Obispo fueron gallardonaos con estremaos premios a lo llargo del eventu.** [LA SIDRA](#)

18/27 - Ocho llagareros asturianos arropaos pola DOP ponen camín de New York, onde la sidre asturiano enseña a los estaonunidenses la so calidá. La cultura sidrera espierta l'atención del públicu y la prensa dedica numberoses reseñes a la mesma. Pa dellos de los llagares presentes empecipia una nueva etapa dedi-

Tornen los Sidrocoles, pioneru programa cultural y la sidre sigue siendo nomada la bébora istitucional en varios conceyos.

# 2.013

## ANUARIU SIDRERU

cada a la esportación.

24 - Les burbuyes de la sidre esplumoso siguen invadiendo Xixón, esta vegada nel IV Certame Burbuyes, onde caves, sidres y otros bébores esplumosos preséntense al públicu.

### PAYARES

Siguen los magüestos y la sidre trasiégase. Los pumares escomiencen el so periodu vexetativu pero la sidre sigue corriendo.

3 - Sieru y Noreña declaren al empar la sidre comu bébora istitucional. Esa mesma selmana Carreño fai lo propio.

**3 - Escomienza a emitise pela RTPA "Territoriu Sidreru", programa dedicáu a la sidre y la so cultura, onde LA SIDRA atropa dellos reportaxes.** [LA SIDRA](#)

8 - La Plaza Álvarez Acebal d'Avilés tornó a convertirse nuna espicha vecinal onde nun faltó la tradición asturiana y sidrera.

9 - Wilkin Aquiles revalida'l so entítulu comu Campión d'Echaores na postrer prueba del campionatu, celledrada en Les Arriondes. El pódium fórmenlu: Wilkin Aquiles, Pablo Suárez y Jeison Franco.

**LA sidrería**

**JENERÍA**

Flórez Estrada, 41  
Tfno. 985 744 027  
33180 NOREÑA (Asturias)

**LAGAR**

**Herminio**

SIDRA NATURAL

C/ CAMINO REAL 11 COLLOTO - OVIEDO  
Tf. 985 79 48 47 - Fax 985 79 13 18  
www.lagarherminio.com llagar@lagarherminio.com



Xurde Margaride

La lluvia ácida quemó pumares per La Mariña de Villaviciosa.

15 - Contruecesidrero empecipia les Xornaes Pasión pol Ochu con sidre, gastronomía y muncho más.

15 - El Partíu Popular presenta una moción al Gobiernu central pa defender la sidre comu elementu cultural asturianu más que comu productu y consiguir sofitu pa la so candidatura na UNESCO.

**16 - LA SIDRA faise ecu de los problemes que la lluvia ácida causó en La Mariña de Villaviciosa.** LA SIDRA

22 - El Barriu la Sidra escomienza coles Xornaes de la sidre y la brocheta.

23 - La empresa Manuel M. Busto (Mayador) llogra'l premiu FAPEA a la escellencia pola so calidá.

23 - L'asociación Llogrezana Esiste entama una espicha especial onde nun falten los concursos, la bona cocina y la sidre, del duernu y yá fecho.

# 2.013

## ANUARIU SIDRERU

28 - El Gaitero, la sidre esplumoso más universal escomienza a vendese nos famosos establecimientos americanos Wall-Mart.

28 - La sidre ponce de llutu cola muerte del llagareru más vieyu del mundu, Frank Naish.

29/30 - L'Entregu rellena cebolles nunes de les xornaes gastronómiques más antigües ya importantes d'Asturies.

29 - Sidroquedada en casa Paniza, Madrid, pa despidir la temporada sidrera.

## AVIENTU

Acábase un añu apináu de novedaes, alcuerdos y desalcuerdos, pero recibimos otru qu'esperamos que seya meyor. L'añu en que veamos que la sidre, la so cultura y tolo que la arrodiya seya más valorao y apreciao que nunca. Yá cuasi que tamos consiguiéndolo.

4 - Col fríu lleguen los callos, concretamente a Xixón, onde escomiencen les xornaes gastronómiques que se caltienen fasta'l díu 9.

12 - Carlos Martín Cosme, Presidente de FECOES y artífiz de numerosos proyeutos ya iniciatives gastronómiques a nivel estatal, sofita a la cultura asturiana de la sidre na so candidatura na UNESCO.

13 - Torna "Asturies Sidre Brut", campaña dinamizaora por que la sidre, más que nunca, seya un referente nestes fiestes.

**15 - LA SIDRA espubliza'l so Sidrocatálogu nadaliegu, el más completu catálogu de sidres esplumoses y de Nueva Espresión imprescindible pa les navidaes.** LA SIDRA

17 - Manuel Busto Amandi, más popularmente conocíu comu Mayador, llanza una app sidrera onde'l famosu moñecu enseñate a mayar y otres munches coses.

18 - Preséntase la nueva raza de mazana amargosa de sidre "Madiedo", afayada pol viverista José Madiedo.

19 - El llagar La Morena de Sieru ye l'escenariu de la entrega de premios pa los meyores Echaores de 2013.

24 - Les cocines económiques de Xixón y Uviéu brindaren na nuechibona con sidre DOP gracies a la donación fecha pol Conseyu Regulaor de la DOP "Sidre d'Asturies".

31 - La Sidre cuerre en tolos llares asturianos pa dicir adiós al 2013.